



XUNTA

**POLA DEFENSA
DE LA LLINGUA
ASTURIANA**

Propuestas de normalización llingüística pal asturianu y el gallego-asturianu

Ámbitu xurídico-alministrativu

1. La Xunta Xeneral tien que llexislar un Estatutu nuevu que reconozca'l calter oficial de la llingua asturiana y del gallego-asturianu como llingües propies d'Asturies.
2. L'asturianu, oral y escrito, ha ser llingua d'usu normal y vehicular na alministración autonómica. El gallego-asturianu ha usase col mesmu tratamientu pa les rellaciones colos conceyos onde ye llingua propia.
3. Una Llei de Normalización Llingüística ha desenvolver les midies pa garantizar la igualdá xurídica efectiva de les llingües propies d'Asturies y de los sos falantes.
4. Ha garantizase la estabilidá de los servicios de normalización municipales, amás de les condiciones llaborales de los sos trabayadores, como ámbitos de política llingüística más averaos a la ciudadanía.

Ámbitu socioeconómicu

5. Compromisu de les alministraciones asturianas de fomentar y consumir productos etiquetaos n'asturianu o gallego-asturianu (tecnolóxicos, culturales, infantiles, etc.) pa favorecer asina la so normalización.
6. Fomentar la presencia del asturianu y/o del gallego-asturianu nes campañas publicitaries. La publicidá institucional ha ser, polo menos, n'asturianu y/o gallego-asturianu.
7. Creación d'una marca de calidá que tenga l'asturianu como llingua vehicular y qu'axunte tanto la producción cultural como l'artesanía o la gastronomía tradicional.
8. Presencia de la lliteratura y la música asturiana en tolos eventos de promoción exterior d'Asturies.



XUNTA

POLA DEFENSA
DE LA LLINGUA
ASTURIANA

Medios de comunicación

9. L'asturianu ha ser la llingua vehicular de, polo menos, una canal de televisión, una emisora y un portal informativu públicos. El gallego-asturianu ha tener el so espaciu proporcional nestos medios.
10. Contratación de suscripciones y/o adxudicación de subvenciones y publicidá institucional namás a les publicaciones o medios que cumplan los decretos d'oficialización toponímica.
11. Valoración del porcentaxe d'emisión na llingua propia pa la concesión de llicencies nueves de radio y televisión d'ámbitu local o autonómicu. Ha favorecese un aumentu de la presencia d'espacios nel idioma propiu nos medios privaos, siempre fomentando la so visibilidá y el so carácter normalizador.

Ámbitu cultural

12. Animar la producción, distribución y eshibición cinematográfica y de DVD n'asturianu, yá sía'l traviés de la versión orixinal, el doblaxe o la subtitulación.
13. Crear circuitos permanentes teatrales y musicales n'asturianu y/o gallego-asturianu.
14. Garantizar la presencia de les publicaciones n'asturianu en tola rede de biblioteques d'Asturies, con atención especial a les de los centros educativos. El mesmu tratamientu ha siguise col gallego-asturianu pa les biblioteques de los conceyos onde ye llingua propia.
15. Establecer una presencia curiosa de la música n'asturianu y gallego-asturianu na televisión y radio públiques, amás d'alcordar un porcentaxe d'emisión nes radios privaes.
16. Garantizar un siguimientu amañosu na programación y nos informativos de la radiotelevisión pública de tola producción cultural n'asturianu y en gallego-asturianu.
17. Visibilizar el panorama lliterario-editoral n'asturianu y gallego-asturianu al traves d'una axenda permanente de presentaciones, ferias, esposiciones y campañaes promocionales.



XUNTA

POLA DEFENSA
DE LA LINGUA
ASTURIANA

Enseñanza y Universidá

18. Creación de la especialidá docente de Llingua Asturiana y Gallego-asturianu en Primaria y Secundaria. Establecer proyectos pilotu d'usu vehicular del idioma en tolos niveles educativos.
19. Creación del Grau de Llingua Asturiana. Asegurar la presencia de la llingua asturiana en tolos campus de la Universidá d'Uviéu, incentivando la presentación de tesis, publicaciones y docencia. Valoración del asturianu nel currículu a tolos efectos.
20. Definición de polítiques coordinaes ente conseyeríes pa favorecer el depren-dimientu del asturianu a los grupos de población nuevos.
21. Establecimientu de convenios coles empreses, tanto públiques como privaes, pa la formación llingüística de los trabayadores cara al públicu.

Toponimia

22. Finalización del procesu d'oficialización toponímica incluyendo nomes de con-ceyos y accidentes xeográficos principales.
23. Publicación y difusión amañosa de la toponimia asturiana de toles poblacio-nes y accidentes xeográficos.
24. Control efectivu de que les formes declaraes oficiales sían les úniques usaes poles alministraciones y les empreses concesionaries.
25. Vixilancia efectiva de que la toponimia oficial se cumpla en carreteres, ferroca-rriles, puertos y aeropuertos.